



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNIK

PRAVILNIK
o procedurama za izbor korisnika sredstava po javnom pozivu u oblasti kulture i mladih

Sarajevo, januar 2025. godine

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Na osnovu člana 79. Stav (1) Statuta Grada Sarajeva ("Službene novine Kantona Sarajevo", broj 7/23), u skladu sa Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine ("Službene novine Federacije BiH", broj 37/24), gradonačelnik Grada Sarajeva donosi

PRAVILNIK

o procedurama za izbor korisnika sredstava po javnom pozivu u oblasti kulture i mladih

Član 1.

(Predmet pravilnika)

Ovim Pravilnikom utvrđuju se procedure prema kojima će Grad Sarajevo izabrati i sufinansirati programe i projekte iz oblasti kulture i mladih, a koji se prijavljuju na javne pozive iz nadležnosti Gradske službe za obrazovanje, sport, kulturu i mlade.

Član 2.

(Namjene Javnog poziva)

(1) Sredstva za sufinansiranje programa i projekata dodijeljivat će se putem Javnog poziva za sljedeće namjene:

- a) Finansijska podrška projektima ustanova kulture, institucije kulture od značaja, muzeja i pozorišta sa područja grada Sarajeva;
- b) Sufinansiranje projekata udruženja/fondacija iz oblasti kulture sa područja grada Sarajeva;
- c) Sufinansiranje programa i projekata udruženja/neprofitnih organizacija za podršku mladima sa područja grada Sarajeva;
- d) Sufinansiranje projekata povodom obilježavanja Dana grada Sarajeva - 6. aprila;
- e) Sufinansiranje projekata povodom obilježavanja Dana Evrope - 9. maja;
- f) Sufinansiranje kulturno-umjetničkih društava sa tradicijom sa područja grada Sarajeva.

Član 3.

(Podnosioci zahtjeva)

(1) Podnosioci zahtjeva za dodjelu sredstava su pravna lica koja će se posebno navesti u tekstu Javnog poziva ovisno od namjena utvrđenih u članu 2. ovog Pravilnika.

(2) Podnosioci zahtjeva dostavljat će pravni akt o osnivanju u skladu sa tekstom Javnog poziva koji neće biti stariji od šest mjeseci i u kojem će biti jasno naznačena osoba za zastupanje.

Član 4.

(Dostavljanje zahtjeva)

(1) Podnosioci zahtjeva za dodjelu sredstava podnose zahtjev u roku i na način utvrđen u tekstu Javnog poziva koji će biti objavljen na službenoj stranici Grada Sarajeva (www.sarajevo.ba).

(2) Rok za dostavljanje zahtjeva za dodjelu sredstava ne može biti kraći od 15 dana, niti duži od 60 dana, a što će biti tačno određeno tekstom javnog poziva ovisno od namjena utvrđenih u članu 2. ovog Pravilnika.

(2) Podnosioci zahtjeva dostavljaju dokumentaciju uz prijavni obrazac na kome treba jasno pisati na koji Javni poziv se aplicira.

Član 5.

(Formiranje komisije)

(1) Za analizu, obradu i evaluaciju pristiglih programa i projekata formirat će se posebne Komisije i to:

- a) Komisija za obradu i analizu pristiglih prijava na Javni poziv za finansijsku podršku projektima ustanova kulture, institucija kulture od značaja, muzeja i pozorišta sa područja grada Sarajeva;
- b) Komisija za obradu i analizu pristiglih prijava na Javni poziv za sufinansiranje projekata udruženja/fondacija iz oblasti kulture sa područja grada Sarajeva;
- c) Komisija za obradu i analizu pristiglih prijava na Javni poziv za sufinansiranje programa i projekata udruženja/neprofitnih organizacija za podršku mladima sa područja grada Sarajeva;
- d) Komisija za obradu i analizu pristiglih prijava na Javni poziv za sufinansiranje projekata povodom obilježavanja Dana grada - 6. aprila;
- e) Komisija za obradu i analizu pristiglih prijava na Javni poziv za sufinansiranje projekata povodom obilježavanja Dana Evrope - 9. maja;
- f) Sufinansiranje kulturno-umjetničkih društava sa tradicijom sa područja grada Sarajeva.

(2) Komisije iz stava 1. ovog člana imenovat će gradonačelnik posebnim rješenjima i iste broje po pet članova od kojih su minimalno tri člana iz reda uposlenika Službe u čijoj je nadležnosti određen javni poziv. Pored članova, imenuje se i sekretar Komisije koji će za potrebe rada Komisije obavljati administrativne poslove.

(3) Članovi Komisija iz stava 1. ovog člana, uključujući i sekretare, ostvaruju pravo na novčanu naknadu za rad, a o čemu odlučuje gradonačelnik prilikom donošenja rješenja iz stava 2. ovog člana.

Član 6.

(Izbor korisnika)

Izbor korisnika sredstava vršit će se u skladu sa općim i posebnim kriterijima utvrđenim u svakom od Javnih poziva pojedinačno.

Član 7.

(Donošenje konačne Odluke)

(1) Komisija koju imenuje gradonačelnik, razmatra pristigle prijave i na osnovu općih i posebnih kriterija, prioriteta i hitnosti procjenjuje značaj programa/projekta, te mišljenje sa prijedlogom iznosa sredstava za sufinansiranje programa/projekata dostavlja gradonačelniku na saglasnost i donošenje konačne Odluke o izboru korisnika sredstava.

(2) Lista izabranih korisnika bit će objavljena na službenoj stranici Grada Sarajeva www.sarajevo.ba najkasnije 30 dana od dana isteka roka za podnošenje prijava za dodjelu sredstava.

(3) Na osnovu Odluke o izboru korisnika sredstava gradonačelnik i korisnici potpisuju pojedinačne ugovore o sufinansiranju programa i projekata.

Član 8.

(Utvrđivanje tačnih namjena)

- (1) Komisije iz člana 6. ovog Pravilnika će utvrditi tačnu namjenu odobrenih sredstava prema finansijskoj konstrukciji iz dostavljenih zahtjeva.
- (2) Služba za obrazovanje, sport, kulturu i mlade priprema ugovore i dostavlja ih gradonačelniku na potpis u roku od 20 dana od dana objave Liste izabranih korisnika na službenoj stranici Grada Sarajeva, a nakon što su sve ranije procedure propisane ovim Pravilnikom zadovoljene.
- (3) Nakon zaključivanja Ugovora između korisnika i gradonačelnika, sredstva će biti uplaćena na račun korisnika.

Član 9.

(Sufinansiranje projekata)

- (1) Podnosiocu zahtjeva se može sufinansirati isključivo jedan projekat.
- (2) Za isti projekat ili program, podršku može dobiti samo jedan podnosilac zahtjeva.
- (3) Sufinansiranje projekata odnosi se na projekte koji se održavaju tokom cijele tekuće godine, osim ukoliko je tekstom javnog poziva drugačije određeno.

Član 10.

(Pridržavanje Pravilnika)

Komisije iz člana 6. ovog Pravilnika dužne su se u svemu pridržavati odredbi ovog Pravilnika.

Član 11.

(Namjenski utrošak sredstava)

- (1) Korisnici sredstava, kojima su dodijeljena sredstva iz člana 2. ovog Pravilnika, dužni su namjenski utrošiti dodijeljena sredstva i Gradu Sarajevu dostaviti izvještaj o namjenskom utrošku sredstava uz relevantnu dokumentaciju definiranu zaključenim ugovorom.
- (2) Izvještaj o namjenskom utrošku sredstava korisnik je obavezan dostaviti na obrascu finansijskog izvještaja koji je dostupan na službenoj stranici Grada Sarajeva www.sarajevo.ba.

Član 12.

Nadzor nad realizacijom programa i projekata vršit će gradonačelnik putem Službe za obrazovanje, sport, kulturu i mlade.

Član 13.

Ovaj Pravilnik stupa na snagu narednog dana od dana objavljivanja u “Službenim novinama Kantona Sarajevo” i bit će objavljen na službenoj stranici Grada Sarajeva www.sarajevo.ba. Stupanjem na snagu ovog Pravilnika prestaje važiti Pravilnik o procedurama za izbor korisnika sredstava po Javnom pozivu u oblasti kulture i mladih za 2024. godinu („Službene novine Kantona Sarajevo“, broj 8/24).

**GRADONAČELNIK
GRADA SARAJEVA**

Broj: 10-04-213/25
Sarajevo, 30.01.2025. godine

Predrag Puharić, s. r.